

Na osnovu člana 16. stav 4. Zakona o Vladi Zeničko-dobojskog kantona-Prečišćeni tekst ("Službene novine Zeničko-dobojskog kantona", broj: 7/10), na prijedlog Ministarstva za poljoprivredu, šumarstvo i vodoprivredu, Vlada Zeničko-dobojskog kantona na 116. sjednici, održanoj dana 02.11.2017. godine, d o n o s i

ZAKLJUČAK

I.

Prihvata se Mišljenje Ministarstva za poljoprivredu, šumarstvo i vodoprivredu, doneseno po Inicijativi poslanika Muniba Husejnagića, koja se odnosi za dopunu Programa rada Skupštine za 2017. godinu, uvrštavanjem u isti Izvještaja o stanju poljoprivrede u Zeničko-dobojskog kantona i čini sastavni dio ovog zaključka.

II.

Zaključak sa Mišljenjem Ministarstva za poljoprivredu, šumarstvo i vodoprivredu broj: 05/01-01-13224-2/17 od 23.10.2017. godine, upućuje se u dalju skupštinsku proceduru.

III.

Zaključak stupa na snagu danom donošenja.

PREMIJER

Broj: 02-24-15063/17.

Datum, 02.11.2017. godine

Z e n i c a

Miralem Galijašević

DOSTAVLJENO:

1x Ministarstvo za poljoprivredu, šumarstvo i vodoprivredu,

1x Stručna služba Skupštine,

1x a/a.

O b r a z l o ž e n j e

Pravni osnov:

Pravni osnov za donošenje ovog zaključka temelji se na članu 16. stav 4. Zakona o Vladi Zeničko-dobojskog kantona (Prečišćeni tekst) ("Službene novine Zeničko-dobojskog kantona", broj: 7/10).

Razlozi za donošenje:

Vlada Zeničko-dobojskog kantona je aktom broj: 02-1-01-13224-1/17 od 20.09.2017. godine, zatražila izjašnjenje Ministarstva za poljoprivredu, šumarstvo i vodoprivredu po Inicijativi Muniba Husejnagića, pokrenutoj na 47. sjednici Skupštine Zeničko-dobojskog kantona održanoj dana 20.09.2017. godine, vezanu za dopunu Programa rada Skupštine za 2017. godinu, uvrštavanjem u isti Izvještaj o stanju poljoprivrede u Zeničko-dobojskom kantonu.

Sastavni dio ovog prijedloga zaključka je mišljenje Ministarstva za poljoprivredu, šumarstvo i vodoprivredu broj:05-01-01-13224-2/17 od 23.10.2017 godine, po inicijativi imenovanog poslanika vezano za dopunu Programa rada Skupštine za 2017. godinu, uvrštavanjem u isti Izvještaj o stanju poljoprivrede u Zeničko-dobojskom kantonu.).

Mišljenje ovog Ministarstva je da se inicijativa o Izvještaju o stanju poljoprivrede u Zeničko-dobojskog kantonu planira u Programa rada Vlade Zeničko-dobojskog kantona za 2018. godinu i Skupštine Zeničko-dobojskog kantona za 2018. godinu.

Imajući u vidu navedeno, Ministarstvo za poljoprivredu, šumarstvo i vodoprivredu dostavlja Vladi Zeničko-dobojskog kantona prijedlog zaključka sa mišljenjem, te predlaže njegovo donošenje i upućivanje u dalju skupštinsku proceduru.

Finansijska sredstva

Za realizaciju ovog zaključka nije potrebno osigurati finansijska sredstva.



Broj: 05-1-01-13224-2/17
Zenica, 23.10.2017. godine

Na osnovu akta Vlade Zeničko-dobojskog kantona broj: 02-1-01-13224-1/17 od 03.10.2017. godine, sa predmetom „Stav u vezi poslaničke inicijative Muniba Husejnagića-sa dopunom Programa rada Skupštine za 2017. godinu uvrštavanje u isti Izvještaj o stanju poljoprivrede u Zeničko-dobojskom kantonu“, Ministarstvo za poljoprivredu, šumarstvo i vodoprivredu daje slijedeće:

MIŠLJENJE

U Sektoru za poljoprivredu i veterinarstvo Ministarstva za poljoprivredu, šumarstvo i vodoprivredu trenutno se obavljaju poslovi obrade zahtjeva i realizacije novčanih podrški poljoprivrednim proizvođačima sa nivoa Federacije i Zeničko-dobojskog kantona.

Shodno Programu utroška sredstava sa kriterijama raspodjele sredstava „Subvencije privatnim preduzećima i poduzetnicima-Poticaj za poljoprivredu“ utvrđenim Budžetom Federacije Bosne i Hercegovine za 2017. godinu („Službene novine Federacije BiH“, broj:24/17) i Pravilnika o načinu i uslovima ostvarivanja novčane podrške po modelu poticaja u proizvodnji („Službene novine Federacije BiH“, broj:32/17) određene su poljoprivredne proizvodnje za poticaje i rokovi do kojih je kantonalno ministarstvo obavezno obraditi zahtjeve i proslijediti obračun Federalnom ministarstvu poljoprivrede, vodoprivrede i šumarstva. Shodno Programu utroška sredstava Budžeta Zeničko-dobojskog kantona za poticaje u poljoprivredi za 2017. godinu, broj: 02-14-4129/17 od 23.03.2017. godine i Uputstva o poticanju poljoprivredne proizvodnje za 2017. godinu, broj:05-14-14-4129/17 od 25.05.2017. godine opredjeljene su vrste podrški u poljoprivredi sa rokom da do kraja Budžetske 2017. godine obrade se zahtjevi od strane Sektora za poljoprivredu i veterinarstvo te upućivanje zaključaka na Vladu Zeničko-dobojskog kantona za odobravanje sredstava podnosiocima zahtjeva čiji su zahtjevi blagovremeni, potpuni i osnovani.

S obzirom na veliki broj zaprimljenih zahtjeva za poticanje poljoprivredne proizvodnje kako sa federalnog tako i sa kantonalnog nivoa, zaposlenici Sektora poljoprivrede i veterinarstva do kraja godine prioritetno su anagažovani da ispoštuju propisane rokove kako bih poljoprivredni proizvođači Zeničko-dobojskog kantona ostvarili pravo na novčanu podršku i sa federalnog i kantonalnog nivoa.

Imajući u vidu da su u pripremi aktivnosti na izradi Programa rada Ministarstva za poljoprivredu, šumarstvo i vodoprivredu za 2018. godinu, Ministarstvo za poljoprivredu, šumarstvo i vodoprivredu je mišljenja da se Izvještaj o stanju poljoprivrede u Zeničko-dobojskom kantonu planira u narednoj godini u Programa rada Vlade Zeničko-dobojskog kantona i Skupštine Zeničko-dobojskog kantona.

Obrađivač akta:

Hajrudin Bečić

MINISTAR

Himzo Smajić

